

東華續錄

同治朝卷全
卷六十三至六十七

第十七冊

東華續錄

日海國表
卷之四

年表

同治東華續錄六十三

臣王先謙敬編 臣張式勳校

夏四月甲申朔諭軍機大臣等蘇廷魁奏銅鉛船隻改由河運請飭山東省迅撥運河挑工另案工程經費一摺黔省辦運京鉛近因江路疏通仍照舊章由四川重慶江南儀徵以達通州此等船隻笨重甚於米船若不將運河淤淺改鑿妥爲挑挖誠恐銅鉛到境致有阻滯京局鼓鑄關繫非輕且本年江北漕米雖已停運而小米幫船及鹽斤軍火船隻仍須行走乘此大汛未交正可將另案工程及時擇要興修所有該河督前次奏請飭撥另案銀五萬兩挑工銀三萬兩著丁寶楨督飭藩司迅速如數籌撥解交蘇廷魁以便將要工趕緊興辦庶於京鉛北上不致貽誤毋得視爲具文原摺著鈔給閱看將此諭令知之○升廣東陽江縣爲直隸州轄陽春恩平開平三縣改陽江縣原設知縣縣丞教諭典史等官爲知州州判學正吏目○乙酉諭軍機大臣等庫克吉泰等奏官軍攻克臨平賊巢見籌辦情形一摺劉松山等軍奪回董村後復會同郭寶昌等進攻臨平賊寨立將辛店等圍寨數十處攻破斬獲甚多譚玉龍等節節東追埽平菊村一帶賊巢辦理均極奮勉見在賊股竄過咸陽勢將由三原東窺同朝著庫克吉泰德興阿喬松年分飭各軍迅圖截剿仍須步步爲營穩紮穩進不可稍涉大意該逆不得逞志於秦必將竄擾晉省完善之機著趙長齡督飭陳湜認真防範毋稍疏懈喬松年另片奏劉厚基等剿平鄜州土匪查擊段登雲滋事勇丁將向得勝等正法首犯羅煥祥勾匪抗拒亦經擒獲正法並剿平大荔等處刀匪鄜洛人心已定所辦甚妥仍著督飭地方文武員弁隨時稽察毋任再有煽惑以靖地方將此由五百里諭知庫克吉泰德興阿喬松年趙長齡並傳諭陳湜知之○丙戌諭軍機大臣等楊岳斌奏請調王仁和一軍回省防剿等語甘省河狄一帶回氛逼近省垣李助發一軍在紅土窯失利墮固靜會諸逆擾及通渭馬營等處南路防軍不敷分布省城附近要隘無營可紮勢甚空虛王仁和一軍本由楊岳斌派往肅州替出成祿所部迅速出關見在成祿圍攻肅城即可拔出關既須暫緩著該提督卽與黃祖淦專意攻取其王仁和六營改調回省以固本根肅州鎮總兵員缺卽著黃祖淦暫署俾專責成所有黎獻移交王仁和之六旗勇丁並著成祿另行派員統帶防剿甘州一帶逆匪楊岳斌俟王仁和一軍回省後卽行相機分布將近省回逆剿除疏通糧道毋稍延緩將此由五百里各諭令知之○撥福建駐防官兵五百餘名移紮杭州並增協領一佐領二防禦二筆帖式一暨委前鋒統領催養前鋒馬甲各額缺○予甘肅陣亡總兵官程尙友祭葬世職○丁亥諭內閣據趙新等奏上年十一月自琉球回權該國王尙泰懇請代奏令陪臣子弟四人入監讀書等語加恩著照所請所有該國陪臣子弟四人俱准其入監讀書用遂其觀光之志○諭鮑超奏傷疾舉發請假調理一摺鮑超著賞假一箇月在

營安心調理並賞人獲四兩交該提督祇領以示體恤○諭軍機大臣等鮑超向來剿賊最爲奮勇朝廷相待亦推心置腹非尋常將領可比而見報傷病至此馳繫實深著李鴻章確查該提督病勢是否沈重抑或另有隱情即行據實妥籌密奏儻傷病實不能支亦不能不量加體恤俾得安心調理該營勇丁人數眾多駕馭非易應如何派員管帶並著李鴻章妥籌奏聞或與曾國藩密商布置以期諸臻妥協將此由六百里密諭知之○吏部左侍郎基溥卒予祭葬○調阜保爲吏部左侍郎轉崇綸爲戶部左侍郎調延煦爲戶部右侍郎以瑞聯爲盛京兵部侍郎由內閣學士遷○戊子諭軍機大臣等何瑄奏擊賊獲勝收復哈密城池一摺哈密既經收復地方關繫緊要文麟景廉皆係該城辦事大臣若再託故遷延不卽赴任萬一再有變故卽係該員等貽誤著穆圖善成祿迅催該二員星夜兼程赴哈將防守及善後事宜認真經理儻敢規避不前定當從重治罪並著成祿迅拔肅城刻卽帶兵赴哈布置西征事宜毋失機會成祿等未到以前仍著伊勒屯何瑄隨時防範以杜賊匪回窺已城糧食短缺前已諭令楊岳斌飭安西敦煌等處籌撥倉糧運解何以何瑄屢次催提該縣等竟以未奉總督文檄爲詞藉端推諉著楊岳斌嚴飭該州縣等趕緊撥解不得再有延誤並著成祿就近檄催敦煌縣籌撥京石糧一萬五子石解送伊勒屯何瑄軍營以贍兵食綏遠城前次指撥巴里坤餉銀十萬兩卽著福興桂成迅就見楊岳斌儘數撥解如綏遠解到之款不敷應用李雲麟存留榮全由俄國解回餉銀著卽酌量撥給伊勒屯何瑄以濟要需至札薩克郡王伯錫爾被害情形有無子嗣著伊勒屯何瑄確查具奏將此由六百里諭知穆圖善福興桂成楊岳斌李雲麟成祿文麟景廉伊勒屯並傳諭何瑄知之○己丑諭內閣大學士周祖培持躬恪慎學問優長由翰林洊擢正卿疊司文柄受三朝知遇之隆簡任綸扉管理部務均能無忝厥職朕御極以來念其宣力彌勤益加倚畀前以微疴賞假數日方冀調理就痊遐齡永享遽聞溢逝軫恤良深著賞給陀羅經被派眷親王德長帶領侍衛十員卽日前往奠醊加恩照大學士例賜卹任內一切處分悉予開復應得卹典該衙門察例具奏伊子舉人周文令著以主事用伊長孫候選主事周德祿著賞給舉人准其一體會試用示眷念著臣至意尋予祭葬諡文勤○諭軍機大臣等譚廷襄曾國荃奏鄂軍擊賊獲勝並陳近日軍情一摺賊眾謀渡襄河經礮船晝夜擊退折回鍾祥京山境內攻撲阜市經姜玉順在胡山寺方家園包鈔獲捷生擒長髮老賊嚴畏先等多名其九里岡龍尾山等處竄匪亦經劉維楨熊登武等各率隊伍擊剿均有斬獲見向鄧東驛黃家集一帶竄竄著曾國荃督飭各軍認真剿洗毋稍鬆勁鮑超患病甚重昨已賞假調理其所派宋國永等軍移營八條港霸王山屯紮並著歸曾國荃調遣令其會同鄂軍奮力殺賊李昭慶劉秉璋等淮湘各軍均已抵鄂著李鴻章飛檄該員等分路布置合力痛

職不得稍分畛域以期迅殄逆氛左宗棠已由德安拔營著仍遵前旨西進其劉典所部數營即令暫駐鄂境會剿以厚兵力將此由六百里各諭令知之○庚寅諭軍機大臣等趙長齡奏挽回直趨同朝防堵情形調馬德昭協防各摺片檢同分股圖由同朝入晉同州郃陽已見匪蹤晉省沿河地方到處喫重趙長齡已派遣員恆祐王溥分赴保德水甯等處防堵並添調營兵練勇交蔣臨照分守東灘一帶著即飭令實力巡防不得有名無實河津以下一帶密邇匪蹤情形尤爲喫緊著即責成陳湜嚴密堵禦毋令賊蹤竄渡渭洛兩河船隻業經陳湜飭令水師押出黃河其韓城等縣黃河西岸民船並著趙長齡喬松年飛檄該地方官押令移泊東岸儘有徇縱抗違之官紳即著遵奉前旨分別嚴參拏辦並由陳湜飭令水師將不肯移泊之西岸船隻概行焚毀毋稍姑息馬德昭一軍著李鶴年即日飭令拔營北渡會同晉軍協力防守鄂捻竄至德安勢將入豫陝捻亦恐竄出潼關李鶴年當迅撥一軍馳赴陝州閿鄉等處境紮以固西路之防晉省於陝鄂兩省竄捻均應隨時兼防不可稍涉大意陳湜擬令知府陳膺福總兵劉定發在湘鄉募勇千名並添礮船四十號著即照所擬辦理同朝回捻喬松年當商同庫克吉泰等調派各軍趕緊剿辦不得任令東渡貽患鄰封將此由六百里各諭令知之○命大學士官文管刑部事○廣江西宜春縣學額十名山東齊河三名恩縣二名湖北應城四名○壬辰諭軍機大臣等昨據趙長齡奏陝西回捻各逆竄富平後欲以一股由同官繞北山渡黃入晉一股由富平蒲城趨韓城從龍門口入晉同州郃陽已見匪蹤等語晉省防務甚形喫緊趙長齡雖飭陳湜蔣臨照等軍分路嚴防而該省兵力未盡足恃且沿河一帶地廣兵單守禦亦不敷分布若陝省無大枝勁旅痛加截擊勢將闖入晉疆貽誤全局左宗棠已由德安拔營著即趨程前進星速入關飭令各軍認真截剿毋令一賊渡黃以保晉省完善之區是爲至要將此由六百里諭令知之○諭李雲麟奏西北軍情並北路情形自請治罪註銷木質關防各摺片西陲軍務未能速辦各情朝廷原所深悉見在辦法總須聯絡蒙古喇嘛等眾收集人心以待大兵出關乘機會辦其北路防兵之難恃厄魯特人眾之難制撫循駕馭務得其宜庶可收其效而祛其患該大臣仍須細心體察妥爲籌辦至所稱撤烏科之防裁伊塔之官畱索倫兵於俄國給厄魯特遊牧地各條雖均有所見而事關重大斷不能輕率定議朝廷籌度事機慎之又慎該大臣不可遽行宣播伊勒屯前奏各節並未傳旨飭責該大臣逐條置辯未免負氣目前哈密業已收復所有巴里坤哈密等處該大臣尤當聯貫聲勢妥籌兼顧不得狃於成見視同膜外前諭該大臣將存畱俄國餉銀酌撥巴里坤軍餉仍著懷遵辦理總之該大臣當此時勢艱危之日必須竭力補苴務求有濟非僅自請治罪遂可置身事外所請加等治罪之處暫毋庸議其行營木質關防亦並無庸銷毀以資鈐用

將此由六百里各諭令知之○癸巳李鴻章奏臣前因任賴捻股由黃郡西趨催調鮑超一軍由樊城迎剿嗣據鮑超函稱傷病沈重實難支撐聞賊有由安陸上竄之意擬派提督宋國永等統帶全部出入條岡歸會國荃就近調遣旋准會國荃來咨捻逆大股廣聚鍾祥之舊口京山之永澧河一帶必須雲鄂湘淮全軍三面合圍再行進剿各等語臣當催劉秉璋李昭慶等分起前進李昭慶於三月二十一日行抵德安即帶王永勝董鳳高等進扼京山之宋河劉秉璋周盛波亦由太湖宿松進斬黃與楊鼎勳合於麻城之宋埠二十六日進抵雲夢臣又飛飭劉銘傳由信陽入鄂之應山隨州據報於四月初一二日陸續拔營是鄂省東北兩面兵力已厚如安陸西北一路果有重兵扼擊庶可就地勢三面兜圍以收聚殲之效茲接李昭慶三月二十七日由京山稟報賊由永澧河鄂東驛洋梓一帶上竄二十五日已竄過安陸府境及潛水溝豐樂河等處恐由襄棗之間復窺豫境見派開鳳等營馳赴隨州之雙河扼紮但棗陽襄陽交界無兵攔截賊乘隙北趨駸駸有出豫之勢臣部各軍一轉瞬間又落賊後可勝焦慮臣本擬霆准各軍進抵安陸上下分投扼紮漸逼漸緊剿辦較有把握臣再馳往鄂境調度乃兵甫深入而賊又旁逸豫東空虛自須妥籌進止昨安徽撫臣英翰來周口會商軍務臣與面議見屆麥熟捻必回竄已屬其整軍出境互為聲援又奏正繕摺間據劉銘傳馳報任賴捻股於三月二十七日已至棗陽之宋家集孫家集一帶恐即由桐柏唐縣等處北趨劉銘傳與善慶馬步隊均於四月初一日改向桐柏一路探剿等語逆蹤剽疾異常一入豫境道路平曠無險可扼臣惟督飭各軍會商豫皖撫臣相機追截仍飭入鄂諸將領俟賊出境即分道回豫更番休息以均勞逸再行穩慎進戰又奏頃據宋國永等三月二十七日自八條岡公稟鮑超病勢委頓急欲離營醫治請臣就霆軍將領中選員暫代等語此次鮑超引疾臣商詢會國荃如何辦法會國荃覆稱見請宋國永唐仁廉等統營進紮仍望鮑超病愈親往視師會國荃鈔示致鮑超信稟勸其力疾治軍與臣處致書慰勉之意均相脗合臣維鮑超身經百戰勞傷過重殊堪憫念惟該部三十餘營素稱得力見值賊竄棗襄堵剿喫緊似應釋人暫代俾資鈐束合無仰懇天恩准令鮑超在營安心調養臥護諸將飭就霆軍將領中酌派老成勇幹者一二員暫行代統進剿仍俟鮑超病痊親行督率以示體恤而專責成上諭軍機大臣等賊蹤剽疾異常見將由鄂入豫李鴻章所調援鄂各軍又落賊後亟須跟蹤躡剿以遏兇鋒著李鴻章會國荃認真會剿毋令竄豫見居麥熟該逆四出掠食亦在意中無論竄豫竄皖著李鴻章激勵淮楚豫皖各軍跟蹤兜剿以戰狂氛秦晉邊防見均喫重慮如何嚴密備禦之處著左宗棠喬松年趙長齡妥籌辦理鮑超前派宋國永等軍協剿曾諭令會國荃就近調遣李鴻章身膺統率著通籌全局妥為調度以合機宜一俟該提督病痊仍由

鮑超親行督率以專責成將此由六百里諭知李鴻章左宗棠譚廷襄曾國荃李鶴年英桂趙長齡喬松年並傳諭鮑超知之○諭李瀚章奏遵查兆琛並未款飾及見籌布置情形一摺兆琛一軍既據李瀚章查明並無飾敗爲勝各情卽著毋庸置議李瀚章以李元度之師已偪荆竹園難於裁減擬將周洪印所部萬人酌裁二千挑留精壯分佈沅晃靖一帶以固楚省腹地再由黔省天柱樹酌進取所籌尙安楚省以剿爲防自是正辦席寶田既屬穩練可以接替兆琛著於入秋後飭令招募六七千人統帶進剿卽以周洪印裁勇之餉騰出應用劉崑計當到任著斟酌情形會商妥籌屆時卽可令席寶田迅速前往替回兆琛毋稍延誤至黔中兵餉兩窮不能不借資鄰省楚省援黔自是力任其難朝廷惟求實效並不迫以近功然帶兵員弁仍須隨時策勵庶不至曠日遲久徒糜餉需也將此由五百里各諭令知之○諭穆圖善奏馳赴署任並陝回具稟投誠情形一摺蘭州爲根本重地四面賊氛楊岳斌患病甚篤非得人前往鎮撫大局實難維持穆圖善見令總兵胡世英統帶所部暫紮甯條梁兼顧陝甘毗境並親率馬隊馳赴蘭州暫行接署督家所籌尙合機宜惟馬生彥等甫經就撫半箇城地方爲四達通衢甯安堡之防亦關緊要該將軍務當督飭黃金山等密籌防守並將馬生彥等加意羈縻不可稍有疏失左宗棠入陝後尙須勦辦捻股再議西征甘省慶涇洮河等處回匪充斥穆圖善於省垣布置事宜稍有頭緒仍當相機出省悉心調度勦撫兼施毋得株守省垣滋多貽誤陝回于彥祿具稟投誠經該署督批令呈繳馬匹軍械卽著妥爲開導俾知反正歸誠其河狄各處亦著飭令曹熙等乘機辦理見時在甘陝回不無懷思故土之意惟與漢民積釁已深日後恐難相容前諭左宗棠察看民情地勢於投誠匪眾妥爲安插該大臣謀畫素裕務當體驗情形毋拘成見熟籌辦法惟此次與捻逆句結已經窺陝各回將來勢窮求撫仍不得率行收受喬松年有地方之責其於陝回應如何撫插之處亦著隨時諮訪與左宗棠咨商妥辦用靖邊陲原摺呈著鈔給左宗棠喬松年閱看將此由六百里各諭令知之○甲午吉林將軍富明阿等奏勦散東甯馬賊並將聚積金夫分別勦撫得旨奏蒙河匪徒雖經勦散仍須嚴防邊界毋任潛滋俄境金場窺出匪犯著富明阿督飭帶兵各員迅速撲滅不得稍形鬆懈洵金流民並著分別勦撫妥爲解散以冀邊境○丙申諭軍機大臣等曾國藩奏鮑超傷病甚劇請調員接統霆軍一摺本日已明降諭旨令婁雲慶前往接統矣婁雲慶於霆營情形尙稱熟悉著劉長佑迅卽遴派委員接署古北口提督令婁雲慶交卸後由天津乘坐輪船前往江南與曾國藩商定一切速赴軍營庶霆軍有主持之人鮑超卽可安心養病曾國藩李鴻章於婁雲慶到營後面投機宜令其妥爲接統認真勦賊以副委任至曾國藩所奏另募一軍在安慶訓練一節所籌甚是並著隨時籌畫辦理再行具奏直隸練兵亦關緊要如本省

無人可派著劉長佑選員奏調以資臂助將此由六百里各諭令知之○諭庫克吉泰等奏近日軍情一摺劉松山等軍在三原等處剿賊獲勝賊由蒲城竄向同朝分擾邵陽大股仍踞同朝境上著喬松年嚴飭劉松山等迅速追剿不得徒事尾追再致延蔓河防萬分喫緊船隻雖盡泊東岸喬松年仍當嚴飭沿河地方加意巡緝並著陳湜小心防範毋令一匪偷渡逆蹤飄忽異常庫克吉泰等自應兼顧省門然總當隨機應變制賊死命不得株守省垣致滋貽誤將此由五百里諭知庫克吉泰德興阿喬松年趙長齡並傳諭陳湜知之○廣湖南衡州府學額八名○予陝西陣亡翰林院編修王鳳翔等祭葬世職○丁酉 上諭 大高殿祈雨○廣江蘇如皋縣學額五名○予河南陣亡總兵官劉啟福祭葬世職○轉魁齡爲工部左侍郎調恩承爲工部右侍郎以載燾爲理藩院左侍郎

田內開學士題

○戊戌李鴻章奏劉銘傳於四月初一日督軍至游河

店探聞賊竄厲山一帶邊馬擾至桐柏境之四十里冲初二日賊北竄黃土關大廟販邊馬擾至譚家河西雙河距信陽東南四十五里劉銘傳於初四日由游河復回信陽初五日進紮西雙河迎頭攔截適周盛波周盛傳等帶隊由湖北應城趨應山初四日自廣水驛出信陽武勝關賊銳欲東竄但防前敵有兵不虞我軍之蹕其後也周盛波探悉任逆大股在臺子販譚家河盤踞民圩牛賴二逆在西山河李允踞平靖關初五日黎明周盛波等分軍三路向臺子販進攻賊眾倉皇紛拒我軍槍擊矛刺斃賊極多層巒疊嶂中賊馬不能馳驟大半棄騎徒步四竄我軍追至譚家河任逆越山南竄固悍賊守護民圩中輜重官軍併力殺入牛賴各股自西山河率眾來援周盛波揮軍迎擊賊又潰追殺千餘人周壽昌劉啟福等入山搜殺該逆繞向西南狂竄周盛傳追至平靖關李允一股橫出迎拒又擊卻之劉啟福正追賊時見有黃鞍騎賊越澗飛逃知係逆首賴汶沈策馬緊追被賴逆從騎回矛刺傷額角劉啟福負創刃賊猶策騎直前連翻十餘嶺至蠟梅山地方幾及賴逆叢林伏賊暗放洋槍擊中劉啟福腰腹旋即陣亡周盛傳追至麻油店賊去漸遠始行收隊是日擒斬賊匪二千餘名奪獲驢馬千餘匹陣斬汪老魁等賊酋十八名解散難民無數所有疊次剿擒出力人員應請旨准 臣查明奏請獎勵提督銜總兵劉啟福身歷百餘戰所向披靡此次追擊賊首被槍陣歿殊堪痛惜擬請飭部照提督陣亡例從優議卹以慰忠魂先據謀報擒逆因東豫麥熟亟欲東竄掠食見被官軍扼剿折回鄂境將來或仍由隨襄繞竄桐必或圖由黃麻繞出皖西均在意中劉銘傳周盛波等已自信陽分路入鄂劉秉璋楊鼎勳王永勝等亦由德安分起北趨應山飭令相機兜剿如賊回竄豫境即躡蹤緊追出鄂無任該逆得稍喘息 上諭軍機大臣等該逆竄至信陽境內經劉銘傳等軍分路奮勇迎擊疊獲勝仗剿辦尙爲得手在事出力員弁准李鴻章查明奏請獎勵該逆見難折回鄂境將來竄皖竄豫均在意中著李

鴻章督飭劉銘傳等軍相機兜剿譚廷襄曾國荃並嚴檄鄂軍會籌掃蕩李鶴年英翰亦當嚴密布置防剿兼施毋令再肆蔓延鮑超前曾力疾派員會剿甚堪嘉尚病體稍愈並著督師迎擊用副委任將此由六百里諭知李鴻章譚廷襄曾國荃李鶴年英翰並傳諭鮑超知之○諭李鴻章密奏鮑超患病情形等語覽奏均悉昨據曾國藩奏鮑超傷病甚劇已有旨令婁雲慶前往江南與曾國藩商定一切速赴軍營婁雲慶到營後著該大臣面投機宜令其接統霆軍與湘淮各軍互相聲援以期迅殄賊氛將來鮑超病痊並著該大臣加意聯絡俾仍奮勉圖功以副朝廷終始成全之意○已亥以年逾九旬賞原任漕運總督袁甲三母郭氏扁額○予貴州陣亡署知府胡霖澍等祭葬世職○辛丑諭軍機大臣等楊岳斌奏慶陽圍解並縷陳東路軍情請飭穆圖善暫緩東行一摺前因楊岳斌奏病體難支老親皆在病中盼望情詞哀切是以准令回籍飭穆圖善馳赴省垣接署督篆茲據楊岳斌奏稱慶陽踞賊東趨城圍已解涇州亦無賊蹤惟甘省西南北三路剿撫均須重兵省城存兵無多勢難分顧馬生彥等股甫經就撫甯安堡彈壓之兵實無可撥其辦理安插各務若遽易生手前去必致猜嫌叢生請仍飭穆圖善暫緩東行並原辦委員毋庸隨帶前進等語所奏自係實情穆圖善此時計抵蘭垣責無旁貸著將楊岳斌所籌體察見時情形妥爲布置不可稍涉疏虞河狄等地方應如何防剿安撫之處並須設法兼顧以固省垣甘事糜爛已極左宗棠公忠素著抵陝後諒必能統顧全局以紓朝廷西顧之憂也原摺著鈔給左宗棠穆圖善閱看將此由六百里各諭令知之○予甘肅陣亡總兵官楊甫宜祭葬世職○壬寅諭內閣劉松山自入陝以來屢著戰功此次追賊同朝復能會合各軍大獲全勝保固河防深堪嘉尚著賞給玉柄小刀一把火鐮一箇大荷包一對小荷包二箇以示優獎所部出力將士並此次各營出力員弁均著庫克吉泰德興阿喬松年擇尤保奏○諭軍機大臣等庫克吉泰等奏官軍擊賊大勝情形一摺捻回各逆竄擾同州經劉松山等軍追及於晉成堡姜彥村等處疊獲勝仗大挫兇鋒剿辦甚爲奮勉逆膽已寒勢必急謀挺走著喬松年督飭劉松山郭寶昌等軍嚴扼東路毋任擾及河岸庫克吉泰德興阿亦當嚴飭馬隊會合劉松山等軍實力兜剿以期一鼓殲除並著趙長齡督飭陳湜嚴密布置加意防範以杜賊蹤偷渡喬松年另片奏陝甘兩省在川省設局勸捐濟餉請將所收捐項凡甘省發照之捐統解甘省陝省發照之捐統解陝省以清眉目等語駱秉章穆圖善楊岳斌飭令局員遵照辦理惟甘省所捐止有餉支一項恐收數較少如陝捐收項較多仍著喬松年隨時撥濟甘省列款作收以昭平允原片著鈔給駱秉章穆圖善楊岳斌閱看將此由六百里諭知庫克吉泰德興阿駱秉章穆圖善楊岳斌喬松年趙長齡並傳諭陳湜知之○諭前據李雲麟奏憑陳西北軍情敬陳四端並再陳北路情形請速定大計等

摺業經諭令該大臣仍妥籌兼顧將原摺留中備覽矣詳閱李雲麟所陳四條一曰西陲軍務未可速辦二曰北路防兵決不足恃三曰棍噶札勒參宜慎用四曰速保山西以全大局未嘗無可採之處除山西早飭各該督撫妥籌外西陲軍務本難剋日奏效李雲麟節次辦理棘手朝廷未加嚴譴者亦誠知事勢之難也惟所稱防兵有不如無賊來以不守守之等語殊非悉心籌辦之法至棍噶札勒參一員不得已而用之原當略短取長妥慎駕馭李雲麟謂宜虛參贊之缺不必派署等情亦非所宜另摺所陳新疆軍務不辦即止無中立之理此言良是又謂今日之事宜盡撤烏科防兵速裁伊塔見存各官畱案倫兵於俄國給厄魯特遊牧地等情此中窒礙甚多新疆各城列聖艱難締造具有深心原以屏蔽內地今欲舉烏科等城一概不守北而張家等口西而秦隴皆成國家要塞大局所關李雲麟能保其必無後患乎索倫本屬勁旅烏科兩城防兵既屬無多蒙兵又不足恃自應設法調回以壯兵力或擇地辦理屯田以資養贍卽爲將來西征之先驅庶有實際仍著榮全妥籌辦理棍噶札勒參之爲人李雲麟既知其攬權難馭而又欲以厄魯特之眾全數給該喇嘛爲門徒亦涉自相矛盾此項人眾應如何安插俾遂驅策之處著再與麟興妥爲辦理伊塔所存各官著榮全等量爲裁撤以節糜費刻下哈密已復巴里坤可以固守李雲麟等惟當力保烏科等城聯絡棍噶札勒參以壯聲勢待肅州克復大兵出關自可徐圖恢復著德勒克多爾濟錦丕勒多爾濟麟興榮全奎昌明瑤與李雲麟商酌就見有兵力餉力妥爲守禦如德勒克多爾濟等各有所見不妨單銜具奏以備採擇將此由六百里各諭令知之○子陝西陣亡副將胡理明等祭葬世職○癸卯諭軍機大臣等劉嶽昭奏官軍肅清黔大並剿辦豬拱苗匪大勝見擬進剿平遠各摺片黃號及苗教各匪肆擾黔西大定爲患已久豬拱苗苗匪嘯聚日眾爲三省邊防巨患該撫及藩司岑毓英分路攻剿將黃號並苗教大股匪徒殄滅首逆擒戮殆盡豬拱苗賊營百餘座亦爲滇軍平毀岑毓英所紮行營已距山頂不遠辦理奮勉甚屬可嘉著劉嶽昭卽飭該藩司乘此聲威將山頂賊巢攻拔肅清匪股以竟全功平遠所屬之牛場苗匪卽著劉嶽昭相機進剿迅速殄除以絕豬拱苗外援知州蕭培基於牛場苗匪肆擾並不集練攻剿又於鄒復勝進兵時以無糧力阻實屬意存苟安著劉嶽昭張亮基查參黔西大定一帶並著張亮基揀派得力文武彈壓鎮撫毋得專恃客兵將此由五百里各諭令知之○命詹事府詹事廣壽在弘德殿行走○甲辰李鴻章奏任賴捻股自四月初五日銘盛等軍在信陽境內攔剿敗遁入鄂是日卽由應山縣城東北竄過適總兵王永勝等營趕至初六日出隊小有擒斬賊卽竄孝感之小河溪劉秉璋與楊鼎勳將出鄂境仍由廣水驛折回李昭慶由德安前往會師劉銘傳亦督隊繼進先後均過小河初七八等日賊東竄黃陂之兩河口各軍分路趕

追計西路兵力已厚該逆不至回竄德隨勢將由麻城黃安北趨豫之光羅否則由蘄州廣濟等處東竄皖之宿太臣已嚴飭淮軍諸將會同鄂軍儘力兜擊豫省宋慶一軍見駐信羅自可相機扼截皖西空虛並函商撫臣英翰趕派扼堵中原麥熟難保不閒道出竄臣軍俱調往鄂境有追剿之兵更無迎堵之兵南北數千里久旱不雨農田枯槁民情惶惑於剿賊大局尤有關繫惴慮實深又奏據劉松山李祥和袁桐三月十五日攻克臨平臣後捻逆勾合同匪悉向武功竄竄劉松山等會同黃鼎安住等軍折赴興平截剿十七日抵張楊村馬賊突至各軍督隊猛擊殲斃百餘人賊竄咸陽一帶十八日各營疾馳八十餘里至涇陽之竹苑村擒斬三百餘名十九日該逆至彭王村一帶圍攻涇河我軍於二十日五鼓先由臨涇渡河以待該逆果由花池渡宋村渡等處竄越劉松山等分三路進剿縱橫衝殺賊遂大潰敗賊向三原富平遁走殺斃淹斃生擒其計約二千人二十四日我軍追抵富平時賊踞城東王寮鎮一帶會同郭寶昌進擊賊由北原下竄流曲鎮二十五六等日我軍紮原邊東西各堡仍分三路進攻斃賊甚夥二十七日各軍進逼流曲鎮賊出隊死拒各勇愈擊愈奮奪回村堡數十處賊由蘇坊村向蒲城竄大荔屬之洛河東岸我軍由蘇坊跟追四月初一日至晉成堡拒河十里賊過河迎拒揮隊擊之敗回東岸淹斃甚眾初二日追至距同州十三里之美彥村劉松山揮隊奮擊賊竄同州東北初三日劉松山等探知賊屯許莊小壕各村即率部分進猛攻賊棄巢遁去我軍整隊欲追忽見前面馬賊橫互二十餘里作長圍包來步賊結數十團分道進逼劉松山李祥和與黃開各率隊奮擊盡決無前賊數百賊大敗狂奔餘逆紛竄謝家坡等處各軍暫紮許莊村擬在同州購糧跟蹤再進是役其計殺傷燒斃生擒者約三千人擒獲頭目鄧立志等訊明正法查張總撫自入秦後大肆騷張去冬省城岌岌可危曾國藩調派湘軍於臘杪疾走入關每戰必勝數月以來會同安住黃鼎郭寶昌等軍轉戰涇渭之間賊勢張而復蹙惟該逆既竄同州東北逼近晉防據山西臬司陳湜來稟已商請駐防閩鄉豫軍馬德昭帶八成隊就近過河移紮老河口而自守禹門以上並謂現在河水漸漲提盡船隻當可不使京渡臣已批令劉松山等迅速進兵如賊循郃陽韓城北趨即靠黃河西岸節節兜剿遮護晉防知賊由朝邑渡渭回豫即緊追出關回顧陝洛並屬與陳湜互為策應勿使賊得逞志上諭軍機大臣等任賴捻股由應山東北竄孝感之小河谿旋竄黃陂之兩河口見經劉秉璋等軍分路跟追即著李鴻章檄飭各軍合力兜剿迅殄逆氛西路兵力已厚該逆既不至回擾德隨實皖京豫均在意中宋慶一軍見駐信羅著李鶴年飭令該營相機扼截並著英翰於皖西一帶抽撥勁旅實力嚴防中原麥熟該逆四出掠食是其慣技李鴻章各軍雖俱赴鄂深慮有追剿之兵而無迎堵之師仍著該大臣統籌全局於無可抽調之中設法布

置妥爲兼顧據稱南北數千里久旱不雨農田枯槁等語實深慮繫見在直隸一帶亦屬少雨深恐青黃不接有礙民食該大臣務當妥籌鎮撫安慰人心庶於軍務有裨將此由五百里各諭令知之○子陝甘陣亡巡擊胡長才等葬世職（丙午）
上詣 大高殿祈雨○諭軍機大臣等前因哈密收復無人鎮撫屢經諭令文麟景康迅赴新任以重職守並催成錄迅

復肅州以便統領大兵出關茲據伊勒屯奏稱查明伯錫爾被害情形地方大事見無大員統轄等語哈密甫經收復撫綏彈壓在在均關緊要該大臣等任意逗留延不出關殊屬不知緩急且難保非有心規避著文麟景康懷遵欽遵欽遵起緊出關馳抵任所將應辦事宜極力整頓毋再遲延成祿被肅州賊匪牽掣竟無出關信息尤屬疲玩著即振刷精神激勵士卒迅將肅城攻拔以便振旅出關毋得再行遷延致干重咎伊勒屯見任領隊大臣文麟等未到之前務當盡心防守以固疆圉將此由六百里各諭令知之○廣貴州鄉試中額一名江西饒州府學額二名德興縣十名湖北麻城七名直隸赤峰二名廣東三水一名○贈哈密殉難扎薩克郡王伯錫爾親王建立專祠伯克夏斯林等附祀○丁未諭軍機大臣等該廷襄習國荃奏擒逆東趨安慶仍折回應城官軍疊獲勝仗並會商布置情形一摺擒逆自東竄後經官軍追剿仍復回竄應城雖屢有擒斬而逆餒未衰前據李鴻章奏稱西路兵力已厚諒該逆不能逞志即著李鴻章譚廷襄會同督飭淮軍鄂軍會合追剿並令宋國永折回汴梓鎮以扼西路要衝該逆在鄂不能得志必思竄豫著李鶴年飭令宋慶等軍迎頭兜剿以杜紛竄安徽相距雖遠而該逆飄忽異常不可稍形鬆懈並著英翰嚴飭各軍整旅以待擒逆毋得稍緩走非四面圍裹漸逼漸緊斷難杜其奔突李鴻章久歷戎行即著廣設方略以殄逆氛河南一帶既少雨澤而鄂省又苦久旱所關非細惟有誠心修省冀迎和甘一俟得雨即著奏開鮑超戰功卓著實爲國家干城之選見聞病勢沉重深爲慮繫著旨國荃就近傳諭令其慎重醫治安心養息以冀速痊將此由六百里各諭令知之○諭前旨令劉嶽昭由溫水進剿黔西大定侯肅清後移師剿辦豬拱箐毋庸分兵遵義茲據張亮基奏請仍飭劉嶽昭暫駐貴陽剿辦附省各匪等語黔省龍貴潘芒向大坪各股逆匪逼近省垣兇敵甚熾省城情形益困若再無兵剿辦勢將不可復問自係實在情形惟劉嶽昭已將黔西大定一帶肅清豬拱箐苗匪亦經岑毓英進攻連獲大捷苗匪老巢指日可拔劉嶽昭一軍似未便移就貴陽致失機合且滇省見無大吏彈壓張凱嵩到滇尚需時日劉嶽昭自應迅籌赴任或先能肅清貴陽附近一帶再行統兵赴滇著劉嶽昭酌量辦理黔省餉糧兵單實深慮繫乘章於張亮基所請協防餉需應不分畛域力爲籌辦諒不至固執成見任爲黔省呼籲漠不關心著卽竭力籌解以拯貴陽大局毋許再事推延致負委任張亮基原片一件著鈔給張亮基劉嶽昭閱看將此由

原书缺页

原书缺页

力仍著李鴻章督飭各軍乘勝進剿迅殄賊氛○予湖北陣亡總兵官張遵道等祭葬世職○是月緩徵浙江臨安等七縣被擾額賦

同治東華續錄六十四

五月癸丑朔子湖南陣亡參將楊友春等祭葬世職○甲寅諭軍機大臣等成祿奏哈逆東竄旋退並副將凌祥失利情形各摺片哈密回匪由安西東竄玉門莫援肅州經成祿派合翼型迎擊多設疑兵賊眾旋即驚退惟該逆雖經暫遏難保不去而復來仍當勤探嚴防不得稍形鬆懈並督兵迅拔肅城速爲出關之計毋再稽遲干咎已革副將凌祥前在哈密接仗失利本應治罪見據成祿查明該革員於接仗時身受子傷著從寬暫留軍營責令出關效力自贖將此由五百里諭令知之○以早命各省恤難民育嬰孩搶屍露屍陣亡兵勇家屬○丙辰諭內閣前因御史佛爾國春奏湖北竹木商捐一款會國荃前於過境時曾用銀三千兩及歷任巡撫到任辦理鋪陳修理衙署皆於此款領用各節當諭令譚廷襄查訊茲據譚廷襄奏稱前於查辦官文被參案內業將調到清摺覈明並無會國荃用銀之款復訊據委員孫振銓供稱同治三年會國荃過境曾由糧臺解過舊欠餉銀四萬二千餘兩係屬正款並未支竹木商捐歷任巡撫到任該員並未辦過支送鋪陳等項又據總局司道詳稱歷年在竹木商捐項下領過辦公等項銀錢知兵差隄工城工修理衙署皆確有案據並送鋪陳規費各等語此案會國荃被參動用竹木商捐等款既無其事著毋庸議至佛爾國春原奏內所稱會國荃原參官文賄通肅順貪婪欺罔各節據綿森等查屬子虛會國荃宜照律反坐一節官文受文示顯皇帝特達之知十數年歷著勲績諒不至孤恩昧良肆行貪罔且其重膺疆寄尚在肅順未經用事之先亦無所用其貪緣朕御極之初曾特諭內外臣工既往不咎會國荃以影響之事臚列入奏本屬不諳大體佛爾國春遽行加以反坐之罪尤屬迹近報復故爲苛論嗣後風聞言事必宜慎重黨援攻訐之風斷不可開所奏並毋庸議○諭軍機大臣等何珪奏哈密見在情形並請撥倉糧各摺片何珪見派孔才等所部分駐瞭墩等處其餘兵勇駐紮哈城哈密境內漸次肅清即著該總兵會商伊勒屯等妥籌鎮撫一面仍將竄匪相機進剿迅殄逆氛巴里坤哈密兩城米糧尚分缺乏又兼本年荒旱難望收成兵勇枵腹堪虞亟應速籌接濟何珪前經奏請於墩煌縣指撥倉糧一萬五千石著穆圖善楊岳斌嚴飭該縣趕緊採辦運解巴城以濟肩急成祿著懷遵疊次諭旨迅將肅城攻拔振旅出關毋再遷延干咎將此由六百里諭知穆圖善楊岳斌成祿並傳諭何珪知之○署湖廣總督譚廷襄等奏捻匪由東陽趨豫見籌布置防守得旨劉銘傳等軍獲勝情形前據李鶴年奏到與此奏大略相同覓在賊眾

竄過秦陽將入豫營譚廷襄冒國至飛合豫省嚴防並派兵出境進剿不得稍分吟城仍防回竄黃麻等處毋稍懈忽○
丁巳李鴻章奏捻逆於四月十四口竄至孝感劉銘傳督軍疾追十五日追抵雲夢乘夜進擊賊不及防自相驚潰斃賊數
十名生擒賊目陳大潰一名該逆不敢喘息向早市一路奔竄十七至十九等日忽折向京山由郢東洋梓上竄寔軍宋國
乘等由隨州回軍西向十九日抵棗陽之吳家店適賊由宋家集竄至平林店圍山一帶距該軍約二三十里不等二十日
商令提督唐仁廉率隊夜襲圍山賊館斬擒賊數百名二十三日該逆竄至新野東南之朱集水台並南陽西南之清華
穰東等處邊馬擾及鎮鄧境內據獲賊供稱該逆因追兵緊逼欲竄東豫又欲逃往陝西等語查該逆疊經挫敗窮數日之
力奔突出鄂其圖竄東豫蓄志已久惟豫境平曠四達賊情詭譎無常目下既至宛郡或東走葉裕或西趨內淝以圖入陝
尚未可定劉銘傳由棗陽緊追出鄂周盛波由信陽馳赴泌陽已檄令該兩軍視賊所向相機兜剿餘軍宋慶亦率隊馳往
新唐均與寔軍前後聯絡東豫徐臺新麥登場計旬日內可收入素民食稍易保護如賊果東趨當台播鼎新劉士奇兩軍
會合迎截爲東路援剿之師其餘援鄂諸軍馳逐數月疲乏已甚檄令分道回豫更番休息察度賊蹤再行進剿上諭軍
機大臣等刻下逆蹤尙無定向陝豫俱應嚴防著李鴻章督飭劉銘傳周盛波等軍相機兜剿李鶴年令宋慶迅赴新唐會
合寔軍夾擊新練之軍如可抽調著飭張曜擇要扼擊爲一鼓聚殲之計如賊果東趨李鶴年飭潘鼎新等迎截丁寶楨即
派兵迎堵並著左宗棠喬松年起緊調派勁兵遏其入陝之路該督撫等務須不分畛域督軍會剿迅殄賊氛以慰廑念將
此由六百里各諭令知之○戊午諭內閣瑞麟等奏剿辦曹冲客匪屢獲大勝該匪勢窮就撫並籌辦善後情形一摺廣東
曹冲客匪負隅抗拒經將益豐督軍進剿屯兵於獅子山等處分路攻擊疊獲勝仗追至田頭賊寨乘勢環攻赤溪股匪分
路來援該撫揮軍迎剿仗兵西路包鈔賊匪前後受敵旋即敗退三月二十五日官軍直逼田頭環築礮臺晝夜轟擊四月初
初二日分兵駐紮牛屎巷以扼曹冲赤溪要道兩寨悍賊同時來撲兵勇用礮轟擊斃賊無算賊始敗退收隊後該逆冒雨
圍攻沈王遂營盤拔抽木椿愈撲愈悍將益豐挑選敢死之士由營後突出追殺該匪驚潰狂奔次日出隊將曹冲赤溪之
匪截斷開放大礮炸礮悉落寨中賊始膽落投窮赴營求撫定期期呈繳軍械將寨欄一律平毀放出被擄子女縛獻抗官悍
黨地方肅清蔣益豐親督將士將積年客匪剋期蕩定深堪嘉尚著交部議敘所有應辦善後事宜即著照該督撫所議次
第興辦另片奏請照恩平客籍成案准其考試每二十名取進一名等語該客民等既經改過自新即係朝廷赤子自應加
恩技取秀良以廣培植餘均照所請辦理○諭軍機大臣等張之萬奏阜甯海匪聚眾劫掠請飭調輪船出洋夾擊一摺阜

甯地處海濱毗連直東洋面匪首沈如銳即沈如興膽敢聚眾搶劫雖經張之萬派兵折毀其巢而該匪駛至外洋欲結幅
匪滋擾其計甚爲狡惡不可不亟行捕剿以靖洋面張之萬雇募商船出洋追剿恐未能得力上海向有輪船及捕盜局綠
皮艇師原以備捕剿海盜之用即舊習國藩郭柏蔭迅速調派出洋奮力追剿務將首匪弋獲不使一名漏網其江北沿海
各隘口並著張之萬派兵嚴密堵截毋令登岸僮有接濟匪糧者著各嚴行查禁以期迅速肅清免滋後患將此由五百里
各諭令知之○諭瑞麟將益禮奏曹冲客匪畏罪投誠辦理善後情形請將出力文武獎勵各摺片曹冲等處客匪特險抗
拒負隅日久經將益禮親督官兵節節進剿屢敗賊眾並分兵斷其援濟匪黨窮蹙畏罪真心乞撫見在辦理善後已有頭
緒該撫躬歷險阻奮勇督戰剿撫兼施將十餘年巨寇迅速蕩平深堪嘉尚本日已明降諭旨將該撫交部議敘並將出力
各員弁照請獎勵所請將梅啟照以鹽運使記名與定章不符已交軍機處另行存記矣粵東土客械鬪積釁多年勢難令
其同居錯處瑞麟等見擬將曹冲等處以內田廬撥歸客民冲襲等處田畝撥給被逐土民俾其各分疆界畫地而居永絕
葛藤並設官駐兵編籍鄉試所籌均屬周妥即著將詳細章程妥議具奏其入學考取定額亦於本日明降諭旨內照請允
行矣將此由五百里各諭令知之尋奏土客所爭首在田廬曹冲以內其田三百餘頃足資生活又設遵義書院以振士氣
復飭新甯縣知縣饒繼惠設立清查撫恤局招集流亡散給籽種另委知府李國賢等帶撫標營兵八百名駐紮浮石以資
撫恤得旨辦理甚爲周妥仍著該督撫慎選牧令隨時留心駕馭並將清查撫恤事宜認真籌辦以期土客各民日久相安
毋稍疏忽○諭各省廣購書籍並重刊列聖御纂欽定經史頒發各學○諭禮部增修學政全書○江蘇阜甯縣海盜滋
事命官國藩等調師船追擊並嚴斷接濟○追子故河南河道總督潘錫恩諡文慎命國史館立傳○已未上詣大高
殿祈雨○諭軍機大臣等庫克吉泰等奏官軍剿賊疊勝捻股東竄追擊情形一摺郭寶昌一軍在朝邑等處力戰三次獲
勝賊斃髮逆千餘名復將渭濱悍賊悉數剿除與劉松山等軍併力攻克普集鎮等處追至省城南門外奮力鏖戰德興阿
等亦督兵出城助擊追至瀾橋此次各軍奮勇爭先將竄撲省城之賊力斬數千精悍匪黨大半授首解散裹脅萬餘人兇
儀已衰剿辦極爲得手著該將軍等督飭諸軍乘勝窮追務將此股速行殄除毋任滋蔓左宗棠計已抵關著即與陝省追
軍合力攻擊將此股就地殄盡毋令竄入豫鄂喬松年奏覆辦理撫回情形一摺頗爲有見著左宗棠到陝後安商籌辦原
摺著鈔給左宗棠閱看將此由六百里各諭令知之○諭榮全奏起運軍餉被俄官阻滯並索倫人口逃入俄界一指喀帕
兒所借餉銀俄官庫必那圖爾雖阻止前進亦係慎重之見此時是否解到抑應扣留起解均著榮全酌量辦理續行逃出